

Danmarkimi efterskolertarnermut tapiissutit pillugit Namminersorlutik Oqartussat nalunaarutaat nr. 6, 4. juli 2019-imeersoq

Efterskolit pillugit Inatsisartut inatsisaanni nr. 13, 5. december 2008-meersumi, Inatsisartut inatsisaatigut nr. 17, 3. december 2012-imeersukkut allanngortinneqartumi § 20, imm. 2 naapertorlugu makku aalajangersarneqarput:

Kapitali 1

Tapiissuteqariaatsit sammisallu tapiiffigineqarsinnaasut

§ 1. Ilinniartitaanermut Naalackersuisoqarfik Danmarkimi efterskolernermut atatillugu makkununga tapiissuteqartarpoq:

- 1) Angajoqqaat akiliutaannik appartitsinissamut.
- 2) Ilinniarnerep aallartilerneranut ilinniarunnaarnermullu atasumik Kalaallit Nunaannit utimullu ilinniartup angalaneranut.
- 3) Ilinniartup angalanerminut atasumik pisariaqartumik unnuisariaqarnerinut.
- 4) Ilinniartup angalanerani pisariaqartitsineq naapertorlugu nerisaqarneranut.
- 5) Qanigisat napparsimarulunnerannut toqukkulluunniit qimagunnerannut atasumik Kalaallit Nunaannut utimullu ilinniartup angalanera.
- 6) Ilinniartup napparsimarulunneranut toqukkulluunniit qimagunnerannut angajoqqaatut oqartussaassuseqartup Danmark-imut utimullu angalaneranut.
- 7) Timikkut tarnikkulluunniit innarluutilip taassumalu ikiortaata misissuiartorlutik angalanerannut, taakkununga assersuutigalugu ilaallutik ilaqutaasoq, attaveqaataasoq najugaqaqatigiiffimmeersoq, paaqqinnittarfimmeersoq assigisaanniluunniit pisoq, tak. § 2.
- 8) Ilinniartunut immikkut pisariaqartitsisunut ikiorsiissutinut, tak. § 3.

Imm. 2. Qanigisatut, tak. imm. 1, nr. 5, paasineqassapput qatanngutit, aapparisaq, qitornat, angajoqqaat aamma aanaa/aataakkut. Immikkut ittumik pisoqartillugu Ilinniartitaanermut Naalackersuisoqarfiup inuit allat qanigisatut isigineqarnissaat aalajangersinnaavaa.

§ 2. Misissuiartorluni angalanermut tapiissutit, tak. § 1, imm. 1, nr. 7, tunniunneqartarput immikkut efterskolertitsineq sorleq ilinniartup immikkut pisariaqartitaanut tulluarnepaanersoq misissuiffiginissaa siunertaralugu.

Imm. 2. Misissuiartorluni angalanermut ilaassaaq ilaqutariinnut attaveqaataasinnaasunut pulaarneq, ilinniartup efterskolernerani suleqatigiinnissamut tunngatillugu ataatsimoorussamik ilimagisaasut qulaajarnissaat siunertaralugu.

Imm. 3. Ilinniartuq timikkut tarnikkulluunniit innarluutilittut paasineqassaaq ilinniartuq inunnt annertuumik innarluutilinnut ikiorsiisarneq pillugu inatsisinut atuuttunut ilaasoq.

§ 3. Ilinniartunut immikkut pisariaqartitsisunut, tak. § 1, imm. 1, nr. 8 ikiorsiissutininut ilaapput ingerlassat ilinniartup immikkut pisariaqartitaanik aallaaveqarlutik ilinniartup iluatsitsisumik efterskolimiinnissaanut tapertaasinnaasut. Ikiorsiissutit suussusissaat annertussusissaallu Ilinniartitaanermut Naalackersuisoqarfimmut qinnuteqartoqareerneratigut akuersissutigineqassapput.

§ 4. Ilinniartitaanermut Naalackersuisoqarfik aningaasanut inatsimmi aningaasaliissutinik aalajangersaasoqarneratigut ilinniartut Københavnimut aanerannut aningaasartuutininut akiliuteqarsinnaavoq, matumani angalaneq naalackersuisoqarfimmit aaqqissugaasimappat kiisalu efterskolernerup aallartinneranut atatillugu ilitersuinernut piareersarnernullu pikkorissartitsinernut aningaasartuutit.

§ 5. Ilinniartitaanermut Naalackersuisoqarfik aningaasanut inatsimmi aningaasaliissutinut aalajangersaasoqareerneratigut makkununga aningaasartuuteqarsinnaavoq:

1) Ilinniartut efterskolit ammanerisa avataanni ilaqutariinnit attaveqaataasunit allanilluunniit angajoqqaatut oqartussaassuseqartunit taamaaliornissamut pisinnaatinneqarsimasunit isumagineqarsinnaanngitsut inissinneqarallarnernut.

2) Taamaatinnermi akiliut, tak. § 18, imm. 1, taamaattorli annerpaamik kr.-it 8000-it.

Imm. 2. Imm. 1 malillugu Naalackersuisoqarfiup aningaasartuutai kingusinnerusukkut angajoqqaatut oqartussaassusilinnut akiligassanngortinneqassapput.

§ 6. Ilinniartitaanermut Naalackersuisoqarfiup aningaasaliissutaasut iluanni Danmarkimi efterskolini ilinniartut tamarmik ilinniarnissamik ilitersorneqarnissaannut aningaasartuutit akilissavai.

Kapitali 2

Tapiissutit annertussusaat

Efterskolimiinnerup akilernissaanut tapiissutit

§ 7. Ilinniartitaanermut Naalackersuisoqarfik Danmarkimi efterskolernerup angajoqqaat akiliutaasa ilanngaaffiginissaannut aningaasarsiat annertussusiat tunngavigalugu tapiissuteqarsinnaapput. Tapiissutit Ilinniartitaanermut Naalackersuisoqarfimmut qinnuteqareernikkut inunnut ataasiakkaanut tunniunneqassapput.

§ 8. Tapiissutit naatsorsorneranni aningaasarsianut tunngavigineqassapput angajoqqaatut oqartussaassuseqartut ataatsimoorlutik maannakkorpiaq aningaasarsiarisaat, takuuk Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat, taamaattoq takuuk imm. 2-6. Ilinniartoq katissimassappat ilinniartup taassumalu aappaata qinnuteqarnerup nalaani maannakkorpiaq aningaasarsiaat tamarmiusut atorneqassapput.

Imm. 2. Angajoqqaatut oqartussaassuseqartut avissimappata averusersimappataluunniit angajoqqaatut oqartussaassuseqartup meeqqap najugaqarfignisaata maannakkorpiaq aningaasarsiai tapiissutip annertussusissaata naatsorsuiffiginissaanut tunngavigineqassapput. Tamanna aamma atuuppoq meeraq angajoqqaarisamini assigiimmik najugaqartarpat.

Imm. 3. Angajoqqaatut oqartussaassuseqartuq ilinniartup najugaqarfigisaa inummik allamik aappaqarsimappat tapiissutit annertussusissaata naatsorsornerani aapparisaq maannakkorpiaq aningaasarsiai aningaasarsianut tunngavigineqartumut ilanngullugit naatsorsuunneqassapput, matumani qinnuteqarfissap nalaani ukioq ataaseq sinnerlugu aappariit katissimappata imaluunniit katinnermut assingusumik inooqatigiissimappata.

Imm. 4. Ilinniartuq oqartussaassusilimmik angajoqqaqaanngippat tapiissutit annertussusissaata naatsorsuiffiginerani aningaasarsiat 0 kr. tunngavigineqassapput.

Imm. 5. Ilinniartup qatanngutai efterskolernerup aallartinnerani 18-it inorlugit ukiullit ataasiakkaarlugit 30.000 kr.-inik aningaasarsianut tunngavigineqartumi ilanngaataasassapput, matumani pineqartut ilinniartuq najugaqatigippassuk. Meeqqamut 18-it inorlugit ukiulimmuq ataatsimut, aningaasarsianut tunngavisoq aamma 30.000 kr. -inik appartinneqassaaq, nunami allamiinnerup aallartinnerani meeqqamik najugaqateqartunut, meeraq aapparisaq inooqatigisap meerarippagu, tak. imm. 3.

Imm. 6. Angajoqqaatut oqartussaassuseqartup aningaasarsiai tapiissuteqartarfiup nalaani malunnaatilimmik ikilismassappata qinnuteqartoqareerneratigut tapiissutit naatsorsuiffiqinneqarsinnaapput. Qinnuteqaammut aningaasarsiat ikilismanerannut uppersaatit ilanngunneqassapput. Tamatuma kingorna aningaasarsianut tunngavigineqartuq maannakkorpiaq qaammammut aningaasarsiarineqartut 12-imik amerlisarlugit nutaamik naatsorsuiffiqinneqassaaq. Naatsorsueqqinneq tapiissutinik amerlanernik kinguneqassappat aningaasarsiatigut malunnaatilimmik qaffattoqarsimanagera pillugu tapiissuteqarfigineqartuq Ilinniartitaanermut Naalakkersuisoqarfimmuq nalunaartussaataavoq.

§ 9. Ukiumoortumik aningaasanut inatsisini maannakkorpiaq aningaasarsiat tapiissutillu akornanni nikingassummut najoqqutassaq aalajangersarneqassaaq, taamaattoq takuuk imm. 2 aamma 3.

Imm. 2. Ukiumoortumik aningaasanut inatsisini angajoqqaat akiliutaasa appartinnissaannut tapiissuteqarnissamut annerpaaffiliinissaq aalajangersarneqassaaq.

Imm. 3. Ukiumoortumik aningaasanut inatsisini aningaasarsiakinnernut angajoqqaat akiliutissaannut tamakkiisumik akiliussisoqarsinnaanera aalajangersarneqarpoq.

Angalanerit akilernissaannut, ineqarnermut nerisaqarnermullu tapiissutit

§ 10. Ilinniartup angajoqqaatulluunniit oqartussaassusillip angalaneranut aningaasartuutitut, tak. § 1, imm. 1, nr. 2, 5 aamma 6 tapit tassaapput angallassisutitut tamanut atuuttunut akikinnerpaanut aningaasartuutit tamarmiusut.

Imm. 2. Aqqut alla, imm. 1-imi taaneqarsimanngitsoq, atorlugu angalasoqarsimappat pisortat angallassisinnaanermik akuerisaannut akikinnerpaamut aningaasartuutit killigalugit akiliussisoqassaaq. Aqqummut pisortat angallassisinnaanermik akuerisaannik angallassisinnaaneq periarfissaqaanngippat angalanertut akikinnerpaatut periarfissaasumut aningaasartuutit qaffasinnerpaaffigisinnaasaannik akiliussisoqassaaq.

Imm. 3. Timmisartumut bilitsit suliarereernerisa kingorna allannguinermi aningaasartuutaanerujunnartunut aningaasartuutit angajoqqaanik akilerneqassapput, tamanna angajoqqaatut oqartussaassuseqartut angalanermut kissaatinik allannguinerannik pissuteqarpat.

Imm. 4. Angalanermut aningaasartuutit ilinniartunut inunnut annertuumik innarluutilinnut ikiorsiissutit imaluunniit meeqqanut inuusuttunullu ikiorsiissutit pillugit malittarisassat atuuttut naapertorlugit isumaginnittoqarfinniit akilerneqartut imm. 1 aamma 2-mi aalajangersarneqartuni killiliussat iluini utertinneqassapput.

§ 11. Misissuiartorluni angalanernut, tak. § 1, imm. 1, nr. 7, tapiissutit tassaapput Danmarkimut utimullu pulaarfiillu akornanni angallassissutinut tamanut atuuttunut akikinnerpaanut aningaasartuutit tamarmiusut, taamaattoq timikkut tarnikkulluunniit innarluutilimmut ingjallortaanullu ataatsimut annerpaamik katillugit 30.000 kr.

Imm. 2. Ilinniartitaanermut Naalakkersuisoqarfiup imm. 1-imi aningaasanut killigitap qaangerneqarnissaa immikkut akuersissutigisinaavaa, tamanna pissutsinik immikkut ittunik tungaveqarpat, tamatumunnga ilanngullugu najugaqarfiup sumiiffia pissutigalugu angalaneq immikkut ittunik angalanermut aningaasartuutaalersimappat.

§ 12. Ilinniartup angalanerminut atatillugu pisariaqartumik unnuisariaqarnerinut tapiissutit aningaasartuutit tamakkiisumik akilerneqassapput, tak. § 1, imm. 1, nr. 3

Imm. 2. Angalaneq ilinniartup pisuussutiginnisaanik allannortariaqalersillugu tassanngaannartumik ineqartitsinissaq pisariaqalissappat, ineqarfissaq aningaasartuuteqarnissarlu inissiineq sioqqullugu Ilinniartitaanermut Naalakkersuisoqarfimmit akuerineqaqaassapput.

§ 13. Ilinniartup angalanerminut atatillugu pisariaqartumik nerisaqarnissaanut tapiissutit, tak. § 1, imm. 1, nr. 4 tunniunneqartarput najugaqarfigisami nerinermut allagartatut.

Imm. 2. Ineqarfigisaaq nerinermut allagartanik tigusineq ajorpat, nerisaqarnermut tapiissutit tunniunneqassapput, angalareermermi aningaasartuutigisimasanut uppersaatinik tunniussisoqarpat nerinermullu ataatsimut 100 kr. tapiissutaassalluni.

Imm. 3. Angalanerup ingerlanerani ilinniartup pisuussutiginnisaanik allannguisoqarneratigut nerinissaq pisariaqalersimappat, nerisaqarnermut tapiissuteqartoqassaaq angalareermermi aningaasartuutigisimasanut uppersaatinik tunniussisoqareerpat, nerinermullu ataatsimut 100 kr. tapiissutaassalluni.

Kapitali 3

Tapiiffigineqarnissamut piumasaqaatit

§ 14. Tapiissuteqassappat makkua piumasaqaataapput:

- 1) Ilinniartoq danskisut innuttaassuseqassaaq.
- 2) Ilinniartoq aamma ilinniartumut angajoqqaatut oqartussaataitasut efterskolimiinnerup aallartinnerani Kalaallit Nunaanni najugaqavissuussapput efterskolimiinnerullu aallartinnera sioqqullugu sivikinnerpaamik ukiumi ataatsimi Kalaallit Nunaanni najugaqavissuusimassallutik. Kalaallit Nunaata avataani najugaqarfiit isumassuiffittut naatsorsuussaassanngillat kalaallit oqartussaasui najugaqartitsinermut aamma najugaqartitsinermut ilinniagaqarnermuinnaq pissuteqartumut peqataasimatillugit.
- 3) Ilinniartoq efterskolimiinnerup aallartinnerani ukiumi arfineq-pingasuni atuarsimassaaq imaluunniit

14-inik ukioqalereersimassalluni, 18-inillu ukioqalereersimassanani,

4) Ilinniartuq efterskolimi Danmarkimi ilinniartitaanermut ministerimit akuerisaasumi ilinniartussatut akuerineqarsimassaaq, takuuk § 15. Ilinniartuq angerlarsimaffiup avataanut inissitaq, takuuk § 19, efterskolimi Danmarkimi oqartussaasut meeqqanik inissitanik ilinniartuqarsinnaasutut akuerisaanni ilinnialersinnaanermik akuerisaasimassaaq, takuuk § 15.

5) Ilinniartuq efterskolimiitsilluni Danmarkimi ilaqtariinnut attaveqarfigisassaminut angajoqqaatut oqartussaassuseqartut toqqagaannut attaveqassaaq, takuuk § 16.

6) Ilinniartuq siusinnerusukkut Kalaallit Nunaanni Danmarkimiluunniit efterskolernissanut tapiiffigineqarsimassanngilaq, taamaattoq takukkit imm. 4 aamma 5, imaluunniit paarlaaqatigiilluni ilinniariarnermut tapiiffigineqarsimassanani.

Imm. 2. Ilinniartitaanermut Naalakkersuisoqarfik immikkorluinnaq pisoqarsimatillugu najukkamut piumasaqaat imm. 1, nr. 2-miittoq saneqqussinnaavaat, soorlu assersuutigalugu ilinniartuq angajoqqaatullu oqartussaassuseqartoq ukiuni arlalinni Kalaallit Nunaanni aalajangersimasumik najugaqarsimappata imaluunniit meeraq Kalaallit Nunaanni aalajangersimasumik najugaqarsimappat ukiuni arlaqartuni najugaqareersimappat, taamaalineranilu angajoqqaatut oqartussaassuseqartoq nunami allami aalajangersimasumik najugaqarsimappat.

Imm.3. Ilinniartitaanermut Naalakkersuisoqarfiup immikkut pisoqartillugu ukiuni arfineq-pingasuni atuarsimanissamik piumasaqaat aamma ilinniartup 18-inik ukioqalersimanninnissaanik piumasaqaat saneqqussinnaavai, tak. imm. 1 nr. 3, tamatumunnga ilanngullugu ukiut arfineq-pingasut ataallugit atuarsimaneq atuartup klassimik alluisimaneranik pissuteqarpat, ukioqqortuallaarnerlu atuartup klassimik uteqqiisimaneranik allamilluunniit pissuteqarluni atuarnermini kinguaattoorsimaneranik pissuteqarpat.

Imm. 4. Ilinniartitaanermut Naalakkersuisoqarfiup immikkut pisoqartillugu imm. 1, nr. 6-imi siusinnerusukkut tapiiffigineqarsimanninnissamik piumasaqaat saneqqussinnaavaa, tamatumunnga ilanngullugu ilinniartuq nammineq pisuussutiginnisaminik siusinnerusukkut efterskolernerminik unitsitsiinnarsimappat imaluunniit naalakkersuisoqarfiup nalilerpagu efterskolernerup nanginnissaa ilinniartup ilinniaqqinnissamut periarfissaqalernissaanut pingaaruteqarlunnartoq.

Imm. 5. Ilinniartunut inunnut annertuumik innarluutilinnut ikiorsiisarneq pillugu malittarisassanut ilaasunut, imm. 1, nr. 6 apeqqutaatinnagu, ukiut pingasut tikillugit tapiisoqarsinnaavoq.

Imm.6. Ilinniartitaanermut Naalakkersuisoqarfik tapiissutinut tunngatillugu piumasaqaateqarsinnaavoq, taakkununga ilaassalluni ilinniartup ilinnialernermit piareersarnissamullu pikkorissartitsinernut peqataanissaa, takuuk § 4, imaluunniit ilinniartuq efterskolernermit atatillugu immikkut perorsaanerup tungaatigut ikiorsiiffigineqarnissaa pisariaqarnersoq, tak. § 3.

§ 15. Efterskolerfimmi akuerisaasumi atualernissaq allakkatigut efterskolimiit atsiorneqartumik uppernarsarneqassaaq.

§ 16. Angajoqqaatut oqartussaassuseqartut ilaqtariinnik atassuteqarfissanik toqqaasimanerat, tak. § 14, imm. 1, nr. 5, angajoqqaatut oqartussaassuseqartut aamma ilaqtariinnik atassuteqarfigineqartussanit atsiorneqartumik nalunaaruteqarnikkut uppernarsarneqarsimassaaq. Akuersissuteqarnermut nalunaarut aalajangersimasooq Ilinniartitaanermut Naalakkersuisoqarfimmit suliarineqartoq atorneqassaaq.

§ 17. Ilinniartuq efterskolip aallartinnerani takkutinngitsoorpat tapiissuteqartarneq unitsinneqassaaq. *Imm. 2.* Ilinniartitaanermut Naalakkersuisoqarfiup imm. 1 sanioqqussinnaavaa, ilinniartup efterskolip aallartinnerani takkutinngitsoornera pissutsinik immikkut ittunik akuerineqarsinnaasunik pissuteqarsimappat, tamatumunnga ilanngullugu tamanna ilaqutariinni peruluttoqarneranik angallannermiluunniit pissutsinik ilinniartup pisuussutiginnisaanik pissuteqarpat.

§ 18. Efterskolerneq unitsinneqarpat ullormiit unitsitsiffiusumiit tapiiffigineqarsinnaaneq unissaaq. Uniinnarnerup kingorna efterskolerfiusoq piffissami aalajangersimasumi efterskolimiinnerup akilerneqarnissaanik piumasaqarpat (taamaatinnermi akiliut), tapiiffigineqarnissamik pisinnaatitaaffik piffissami tassani pigiinnarneqassaaq, taamaattorli sivisunerpaamik sapaatip akunnerini sisamani.

Imm. 2. Angerlamut angalanermut aamma pisariaqartumik unnuiffissanut nerisaqarnermullu aningaasartuutunik akiliunneqarsinnaaneq taamaallaat atuutissaaq, ilinniartuq angerlannginnermini Kalaallit Illuutaannit efterskolimut attuumassuteqartumit aqqiissuunneqartumik oqaloqatigineqaqqaarsimappat. Oqaloqatigiinnermi qularnaarneqassaaq ajornartorsiutinut uniinnarnermut patsisaasunut aqqiissutaasinnaasut tamarmik misilinneqarsimanissaat, tamakkununnga ilanngullugit ilinniartunut ataasiakkaanut ikiorsiissutit, tak. § 1, imm. 1, nr. 8. Oqaloqatigiinneq ilinniartup efterskoliani pissaaq, ilinniartup efterskolernerminik unitsitsiinnarniarluni nalunaaruteqarnerata kinguninnguatigut. Oqaloqatigiinnermut peqataassapput Kalaallit Illuutaanni sulisoq, efterskolimi sulisoq ilinniartorlu, ilinniartorlu 18-it inorlugit ukioqarpat angajoqqaatut oqartussaassuseqartut imaluunniit ilaqutariit ilinniartumut attaveqaataasut peqataassapput.

Kapitali 4

Qinnuteqarnermi periutsit

Ilinniartut annertuumik innarluutillit aamma ilinniartut angerlarsimaffiup avataanut inissinneqarsimasut pillugit immikkut paasisassat

§ 19 Ilinniartunut inunnut annertuumik innarluutilinnut ikiorsiisarneq pillugu malittarisassanut qaqugukkulluunniit atuuttunut ilaasunut aamma ilinniartunut meeqqanik inuusuttunillu ikiorsiisarneq pillugu malittarisassat qaqugukkulluunniit atuuttut naapertorlugit angerlarsimaffimmik avataanut inissinneqarsimasunut tapiissutit aatsaat tunniunneqarsinnaapput efterskolernissaq isumaginninnermi oqartussaasunit akuerineqarsimappat.

Ilinniartunut perorsaanikkut immikkut tapersersorneqarnissamik pisariaqartitsisunut immikkut paasisassat

§ 20. Ilinniartut Danmarkimi efterskolernerminik ingerlatsinissaminnut perorsaanikkut immikkut tapersersorneqarnissamik pisariaqartitsisut aamma ilinniartunut taakkununnga angajoqqaatut oqartussaassuseqartut ikiorsiissutunik pisariaqartitsisoqarnerneq qulaajaaffiginiarlugit efterskolimi atualernissaq eqqarsaatigalugu ilinniartut atuariannit ilitersorneqarnissamik piumasaqarsinnaapput.

§ 21. Ilinniartunut § 19-imi pineqanngitsunut tunngatillugu ilinniartup efterskolimi akuerisaasumi atualernissaa pillugu ilinniartumut angajoqqaatut oqartussaassuseqartut qinnuteqassapput.

Imm. 2. Ilinniartup efterskolimi akuerisaasumi ilinniartunngorsinnaaneraniq nalunaarut aamma ilaqutariinnit attaveqaataasartussanit uppernarsaat pigineqalerpata, Namminersorlutik Oqartussanit tapiiffigineqarnissamik qinnuteqaat Ilinniartitaanermut Naalackersuisoqarfiup immersugassiaa atorlugu immersugaq nassiunneqassaaq.

Imm. 3. Qinnuteqarfissatut immersuiffissaq nittartakkami naalackersuisoqarfiup innersuussaani nassaarineqarsinnaavoq. Immersuiffissaq immersorneqassaaq naalackersuisoqarfiullu aqutsisussat toqqagaanut angajoqqaatut oqartussaassuseqartuniit atsiorlugu nassiunneqarluni. Qinnuteqaammut ilanngussatut makku ilanngunneqassapput:

- 1) Efterskolip ilinniartup atualersinnaaneranut neriorsuutaa, takuuk § 15.
- 2) Ilaqutariinnit attaveqaataasunit akuersinermut nalunaarut immersoriigaq atsioriigarlu, takuuk § 16.
- 3) Inoqutigiinnut najugaqarnermut uppernarsaat qangarnisaanerusoq.
- 4) Kuisinnermut allagartaq imaluunniit angajoqqaatut oqartussaassuseqartut kikkunerinut allatut uppernarsaat.
- 5) Angajoqqaatut oqartussaassuseqartunut inuup normui maannakkorpiaq aningaasarsiarineqartut pillugit paasissutissanik piniarnermut atugassat. § 8, imm. 3 malillugu qinnuteqartoqarnerani aapparissamut inuup normua paasissutissiissutigineqassaaq.
- 6) Ukiuni arfineq-pingasuni atuarsimanermut uppernarsaatissatut karakterinut uppernarsaat, takuuk § 14, imm. 1, nr. 2.

Imm. 4. Ilinniartoq § 19-imut ilaasimappat ilumut ilinniartoq meeqqanik inuussuttunillu ikiorsiisarneq pillugu malittarisassat atuuttut malillugit angerlarsimaffiup avataanut inissinneqarsimanersuq imaluunniit inunnut annertuumik innarluutilinnut ikiorsiisarneq pillugu malittarisassanut atuuttunut ilaanersuq oqartussaasunit pisinnaatitaasunit eqqortunit uppernarsaat aamma ilanngullugu nassiunneqassaaq.

§ 22. Ilinniartitaanermut Naalackersuisoqarfik ilinniartup Danmarkimut angalanissaanik aaqquissuussimatillugu qinnuteqaat naalackersuisoqarfimmiit aqutsisussatut toqqakkamit ukiumi efterskolernerup aallartiffissaani marsip 15-ia tikitsinnagu tiguneqareersimassaaq.

Imm. 2. § 2 malillugu misissuiartorluni angalanerit tapiiffiginissaat pillugu qinnuteqaat efterskolernissap aallartinnissaa ukiumik ataatsimik sioqqullugu aqutsisussamit naalackersuisoqarfimmiit toqqakkamit kingusinnerpaamik februaarip aallaqqaataani tiguneqareersimassaaq.

§ 23. Ilinniartitaanermut Naalackersuisoqarfik efterskolit ilinniartoriligassaannut tapiissutit tunniunneqartut taakkualu tunniunneqarnissaannut periutsit pillugit nalunaaruteqassaaq.

Imm. 2. Ilinniartitaanermut Naalackersuisoqarfik ilinniartut kikkut Kalaallit Illuutaasa ataasiakkaat Danmarkimiittut qanittuini aallartittussaanerit pillugit nalunaaruteqassaaq.

§ 24. Angajoqqaatut oqartussaassuseqartut ilinniartup efterskolimiinnerminik unitsitsinera, ilinniartitaanermut Naalakkersuisoqarfimmut nalunaarnissamik pisussaaffeqarput.

Imm. 2. Ilinniartitaanermut Naalakkersuisoqarfik paasissutissanik tapiissutit pillugit qinnuteqaatip naliliiffiginissaanut pisariaqartinneqartunik piniarnissamik piginnaatinneqarpoq, taakkununga ilanngullugit aningaasarsianut tunngatillugu paasissutissat aamma tapiissutit ingerlaannarnissaannut pisinnaatitaaffimmik naliliinissaq. Naalakkersuisoqarfik aningaasarsianut paasissutissanut paasissutissanullu allanut tapiissuteqarsinnaanermut pingaaruteqarsinnaasunut tunngatillugu misiligutissanik tiguisinnaatitaavoq, taakkununga ilanngullugu tapiissutit annertussusissaat.

§ 25. Ilinniartitaanermut Naalakkersuisoqarfik tapiissutit utertinneqarnissaannik piunasaqarsinnaavoq, imaattoqarsimappat:

- 1) angajoqqaatut oqartussaassuseqartut tapiissutinik tunineqarnissamut pissutsinik pingaaruteqarsinnaasunik eqqunngitsunik paasissutissiisimappata imaluunniit allannguutit pillugit nalunaarusussimangippata,
- 2) tapiissutit eqqunngitsaq tunngavigalugu tunniunneqarsimappata,
- 3) tapiissutit aningaasaliiffiqineqartunut atorneqarsimangippata,
- 4) najugaqarnerup aallartinnissaa inniminnerneqareersoq akilerneqareersorlu angalanerup kingorna efterskolerneq aallartinneqarsimangippat, imaluunniit
- 5) ilinniartup efterskolimiinnera ima sivisutigisimappat efterskolerneq ilumoortumik aallartinneqarsimanani, unitsitsiinnarnerlu naammattumik tunngavilersorneqarsimangippat.

Angalanerit aqunneqarnerat

§ 26. Ilinniartitaanermut Naalakkersuisoqarfiup ilinniartullu kommunerisaani ingerlatsiviup angajoqqaatut oqartussaassuseqartut isumasiorlugit ilinniartut efterskolimut angalanissaasa piareersarnissaat isumagissavaa, taamaattoq tak. imm. 3 aamma § 28 imm. 1.

Imm. 2. Ilinniartitaanermut Naalakkersuisoqarfiup ilinniartut Danmarkimut tikinneranni isumagineqarnissaat ataqatigiissassavaa.

Imm. 3. Ilinniartunut angerlarsimaffiup avataanut inissitanut tunngatillugu isumaginninnermi oqartussaasup pisinnaatitaaffeqartup angajoqqaatut oqartussaassuseqartut isumasiorlugit ilinniartut efterskolimut angalanissaasa piareersarnissaat Danmarkimullu tikinneranni isumagineqarnissaat isumagissavaat.

§ 27. Kalaallit Illuutaata inissisimanermigut ilinniartup efterskolianut attuumassuteqartup angajoqqaatut oqartussaassuseqartut isumasioqatigalugit ilinniartup efterskolereerluni angerlamut angalanissaata piareersarnissaa isumagissavaa, taamaattoq tak. imm. 2 aamma § 28 imm. 2.

Imm. 2. Ilinniartunut angerlarsimaffiup avataanut inissitanut tunngatillugu isumaginninnermi oqartussaasup pisinnaatitaaffeqartup angajoqqaatut oqartussaassuseqartut isumasiorlugit ilinniartut efterskolimit angerlarnissaat isumagissavaa.

§ 28. Angajoqqaatut oqartussaassuseqartut ilinniartup efterskolierarluni angalanissaanut namminneerlutik piareersarusuttut isumaginnikkusuttullu tamanna pillugu angalanissaq sioqqullugu kingusinnerpaamillu marts-ip 15-iani ilisimatitsissapput.

Imm. 2. Angajoqqaatut oqartussaassuseqartut efterskolimiit ilinniartup angerlarnissaanut angalanissamik piareersarusuttut isumaginnikkusuttullu tamanna pillugu Kalaallit Illuutaannut kingusinnerpaamillu angerlarnissaq qaammatinik tallimanik sioqqullugu ilisimatitsissapput.

Angalanermut aningaasartuutinik utertitsineq

§ 29. Angajoqqaatut oqartussaassuseqartut efterskolimut efterskolimiillu ilinniartup angalaneranik namminneerlutik aaqqissuussisut ilinniartup angerlarneranut bilitsimut akikinnerpaamut killeqartitamullu utertinneqarsinnaanngitsumullu aningaasartuutaasut uppersararneqarsinnaasut Ilinniartitaanermut Naalakkersuisoqarfimmit utertinneqarsinnaapput, taakkununga angalanermut atatillugu unnuisariaqarnernut pisariaqartunut aningaasartuutit ilanngullugit. Angerlarsimaffiup Københavnillu akornanni angalanermut aningaasartuutit kiisalu Danmarkimi akikinnerpaamik angallassisunut aningaasartuutit atuartumut immikkut aningaasartuutit naatsorsorneqassapput.

Imm. 2. Bilitsi akikinnerpaaq imaluunniit allangortinneqarsinnaanngitsoq atorneqanngippat, utertoorigineqarsinnaapput ullormi angalaffimmi bilitsip allangortinneqarsinnaanngitsup akia angalanerulluunniit akikinnerpaap nalinga.

Imm. 3. Angajoqqaat Kalaallit Nunaanni mittarfeqarfimmut qaninnermut namminneerlutik angallassigunik aningaasartuutitik namminneq akilissavaat.

Tapiissutit tunniunneqartarnerat

§ 30. Efterskolernerup akilernissaanut tapiissutit, takuuk § 7, efterskolimut pineqartumut qaammatit tamaasa tunniunneqartarput. Tapiissutit aningaasartaat piffissap tapiiffiusup ingerlanerani allangussappata, takuuk § 8, imm. 6, isertitanut tunngavigineqartup nutaap naatsorsoreernerisa kingorna qaammatip qaangiunneratigut tapiissutit allangortut tunniunneqassapput.

Imm. 2. Efterskolerneq taamaatiinnarneqarpat tapiissutit tunniunneqartarnerat unitsinneqassaaq, taamaattoq tak. § 18, imm. 1.

Naammagittaalliuuteqarneq

§ 31. Tapiissutinut tunngatillugu aalajangiinerit allaffissornikkut oqartussaasunut allanut naammagittaalliuutigineqarsinnaanngillat.

Kapitali 5

Atuutilersitsinermut atorunnaarsitsinermullu aalajangersakkat

§ 32. Nalunaarut 1. august 2019 atuutilissaaq, ukiorlu atuarfiusoq 2019/2020-miit atortussanngortinneqassalluni.

Imm. 2. Peqatigitillugu Danmarkimi efterskolimiinnermut tapiissuteqartarneq pillugu

Namminersorlutik Oqartussat nalunaarutaat nr. 2, 17. januar 2017-imeersoq atorunnaarpoq.

Namminersorlutik Oqartussat, ulloq 4. juli 2019

Ane Lone Bagger

/

Lone Nukaaraq Møller